

Poziv za natječaj

Stipendije francuske Vlade za studij Master 2

“Prilika za dinamičan Master i profesionalno usavršavanje studirajući u Francuskoj”

Francuska vlada svake godine dodjeljuje studentske stipendije nivoa Master 2 (postdiplomski studij) studentima Bosne i Hercegovine. Stipendijski program uključuje troškove smještaja i boravka, kao i zdravstveno osiguranje studenta tokom školske godine. Stipendije mogu biti dodijeljene u svim disciplinama, međutim kao i ranijih godina, Ambasada Francuske prije svega ističe tri tematike: francuski jezik, medicina i arhitektura.

Ko se može prijaviti ?

Svi diplomirani studenti se mogu prijaviti na program stipendija francuske vlade, bez obzira na vrstu studija.

Uslovi su slijedeći :

- Biti državljanin Bosne i Hercegovine
- Da je student diplomirao ili je u toku dobijanja diplome na kraju studija (Master 1, ili četvrta godina poslije mature). Studenti već upisani na 5. godinu ili zaposlene osobe mogu se također prijaviti.
- Imati nivo znanja francuskog jezika dovoljan za praćenje časova na francuskom jeziku (nivo B2 Zajedničkog evropskog okvira za jezike pismeno i usmeno). Ako se student kandiduje za Master čiji se časovi odvijaju na engleskom jeziku, student će morati upisati intenzivni kurs francuskog jezika, po dolasku u Francusku.

Kako će se obaviti izbor ?

Komisija za dodjelu stipendija će voditi računa o više kriterija :

- Prioritet će se dati studentima koji žele ići u Francusku u sklopu saradnje između njihovog matičnog univerziteta i nekog francuskog univerziteta ili u sklopu programa saradnje povlaštenih od Ambasade Francuske u Bosni i Hercegovini,
- Osnovni principi su kvalitetan CV kao i uspješno studiranje, motivacija studenta i osnovanost studentskog projekta. Studenti moraju biti detaljno informisani o francuskim ustanovama u koje se žele upisati (informacije dostupne na stranici CampusFrance).
- Posebna pažnja će se obratiti budućem profesionalnom projektu studenta.

Gdje predati kandidaturu ?

Kandidature (CV + **Detaljno pismo motivacije**) se trebaju poslati najkasnije do **srijede, 30. novembra 2011.** na g. Pascal Fourneaux, pomoćnik za mobilnost, putem mejl adrese : pascal.fourneaux@diplomatie.gouv.fr (kopija na mejl adresu vasvija.basic@diplomatie.gouv.fr) ili putem pošte na adresu : Odjel za kulturu i saradnju Ambasade Francuske u Bosni i Hercegovini, Mehmed-bega Kapetanovića Ljubušaka 16, 71000 Sarajevo.

NB : Ambasada Francuske će elektronskim putem potvrditi registrovanje svih kandidatura pristiglih bilo elektronskim putem bilo putem pošte.